

BOSNA I HERCEGOVINA
FEDERACIJA BOSNE I HERCEGOVINE
KANTON 10
OPĆINSKI SUD U LIVNU
Broj: 68 0 St 081650 24 St
Livno, 02.10.2024.. godine

OPĆINSKI SUD U LIVNU, stečajni sudija Aleksandar Kontić, odlučujući o prijedlogu za otvaranje stečajnog postupka nad imovinom pravnog lica Elpid d.o.o. Tomislavgrad, ul. Ante Starčevića bb, zastupan po direktoru Petru Skočibušiću iz Svicarske, Bern, Statthalter str. 37, izvan ročišta, dana 02.10.2024. godine, donio je dana

R J E Š E N J E

Pokreće se prethodni postupak za utvrđivanje uvjeta za otvaranje stečajnog postupka nad pravnim licem Elpid d.o.o. Tomislavgrad, ul. Ante Starčevića bb.

Za privremenog stečajnog upravitelja imenuje se Siniša Lužajić iz Sarajeva, ul. Džemala Bijedića broj 37/9.

Privremeni stečajni upravitelj će:

- osigurati i starati se o imovini dužnika;
- ima ovlaštenje da uđe u poslovne prostorije dužnika pravnog lica i provede zakonom propisane neophodne radnje,
- utvrditi da li postoji razlog za otvaranje stečajnog postupka,
- ispitati da li će imovina stečajnog dužnika pokriti troškove stečajnog postupka,
- utvrditi da li se poslovanje stečajnog dužnika može u cjelini ili dijelimično nastaviti u toku prethodnog postupka,
- utvrditi imovinu dužnika i obaveze dužnika,
- privremeni stečajni upravitelj dužan je da stečajnom sudiji položi račun i podnese izvještaj o svom radu za period privremene uprave,
- privremeni stečajni upravitelj dužan je da namiri potraživanja koja zasnuje on ili stečajni dužnik uz njegovu saglasnost, osim ako je drugačije ugovoreno ili uređeno ovim zakonom,
- uraditi kontrolu poslovanja stečajnog dužnika, kada je podnositelj prijedloga za otvaranje stečajnog postupka stečajni dužnik, dostaviti izjašnjenje da li stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti,

Privremeni stečajni upravitelj dužan je podnijeti izvješće ovom sudu, u roku od 30 dana od imenovanja u kome će izvijestiti ovaj sud o poduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja stečajnog dužnika.

Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava vjerovnici ne mogu ostvarivati u prethodnom stečajnom postupku, stečajni dužnik ne može raspolagati stečajnom masom bez suglasnosti privremenog stečajnog upravitelja i suda, a sve u cilju osiguranja buduće stečajne mase.

Rješenje će biti objavljeno u „Službenim novinama F BiH“, oglasnoj ploči Općinskog suda u Livnu, Web stranicu Općinskog suda u Livnu i Internet stranici FIA-e, te se pozivaju vjerovnici da privremenom stečajnom upravitelju bez odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

Rješenje se ima dostaviti Registru Općinskog suda u Livnu radi upisa zabilježbe pokretanja prethodnog stečajnog postupka, u matičnom registru subjekta upisa broj 1-2032.

O b r a z l o ž e n j e

Predlagatelj Petar Skočibušić zakonski zastupnik Elpid d.o.o. Tomislavgrad, ul. Ante Starčevića bb, je podneskom od 12.03.2024. godine, predložio je da se otvori stečajni postupak nad navedenim pravnim licem.

U prijedlogu se navodi da se prijedlog podnosi zbog gubitka tržišta na prostoru Federacije BiH, zbog nemogućnosti daljeg poslovanja, te se navodi da je račun preduzeća kod Raiffeisen banke zatvoren 2009. godine u mjesecu kolovozu, te da su zakonskog zastupnika savjetovali da preuže stavi u mirovanje. Nakon dvije godine od kad navodi se da je Porezna inspekcija te je smatrao da je preuže zatvoreno kada je cjelokupnu dokumentaciju preduzeća predao Poreznoj upravi.

Stečajni sudac je nakon što je utvrdio da je prijedlog za pokretanje stečajnog postupka podnesen od strane ovlaštenog predlagatelja u smislu odredbi čl. 58. st.1 i 2. Zakona o stečajnom postupku i da je isti dopušten, naložio je predlagatelju da uplati novčana sredstva na ime predujma financiranja troškova prethodnog postupka u visini od 1500 KM, radi utvrđivanja uvjeta otvaranja stečajnog postupka.

Predlagatelj je dana 10.04.2024. godine, dostavio sudu dokaz o uplati predujmljenih sredstava za financiranje prethodnog stečajnog postupka u iznosu od 1.500,00KM.

Na ročištu za saslušanje stečajnog dužnika održanog dana 10.04.2024. godine, zz predlagatelja ponovio je navode iz Prijedloga za otvaranje stečajnog postupka, te da je pravno lice prestalo sa radom 2009. godine, te da preduzeće ima duga prema poreznoj upravi u visini od 7.500,00KM.

Dopisom Porezne uprave F BiH Kantonalni porezni ured Livno broj 13-10-03-08-4-420/24 od 14.05.2024. godine, sud je obavješten da stečajni dužnik ima duga prema poreznoj upravi ukupno u iznosu od 9.445,83 KM.

Na osnovu priložene dokumentacije i saslušanja zakonskog zastupnika predlagatelja, ovaj Sud nije u mogućnosti da sam procjeni i utvrdi postojanje svih neophodnih uvjeta koje Zakon o stečaju propisuje za otvaranje stečajnog postupka, te iz navedenih razloga Sud donosi rješenje o pokretanju prethodnog stečajnog postupka, radi utvrđivanja uvjeta za otvaranje stečajnog postupka nad stečajnim dužnikom, na osnovu odredbi člana 61.stav 1. Zakona o stečaju.

Odluka iz st. 3 ovog rješenja donesena je na osnovu odredbe člana 63 Zakona o stečaju, a nakon što je utvrđeno da privremeni stečajni upravitelj ispunjava uvjete za imenovanje utvrđene odredbom člana 61. Zakona o stečaju.

Na osnovu navedenog, temeljem citiranih odredbi Zakona sud je odlučio kao u izreci ovog rješenja.

Pouka o pravnom lijeku:

Protiv ovog rješenja dozvoljena je žalba u roku od 8 dana računajući od prvog narednog dana od dana objave istog u Službenim novinama F BiH. Žalbu mogu izjaviti stečajni dužnik i privremeni stečajni upravnik. Žalba se podnosi Kantonalnom sudu u Livnu, putem ovog suda, u dovoljnom broju primjeraka za sudionike u postupku.

Stečajni sudac
Aleksandar Kontić